

«Txotx
garaiak
garrantzi
berezia du»

LUIS INTXAUSPE •
Hernaniko alkatea

*Giro ederra egongo da
Hernanin txotx garaian.
Lagun ugari ibiliko da
sagardotegietarako
joan-etorrian.*



FOTOGRAFIA: IUTABA

Konturik txikienak ere
KONTU HANDIZ LANDUTA

Sagardo naturala
Zelaia
Sidra natural

MARTINDEGI 29
20120 HERNANI GIPUZKOA
943 555 851
zelaia@zelaia.es www.zelaia.es

Txotx garaian, Hernaniko Udalak, hainbat zerbitzu martxan jartzeaz gain, neurri berezi batzuk hartuko ditu, eta zenbait aholku emango dizkie sagardotegietara joan nahi dutenei. Halaber, hainbat ekitaldi antolatuko ditu, eta Hernani ezagutzeko zenbait aukera proposatuko dizkie bisitariari. Horri guztiari buruzko informazioa, baita sagardoaren kulturaren ingurukoa ere, www.hernani.eus helbidean lor daiteke.

Zer ekarriko dio txotx garaia Hernaniri?

Gauza asko. Hernanin tradizio handia dago sagardoaren inguruan. Dolare sagardotegi asko daude. Hamabi sagardotegi daude, sagardotegia komertzializatzen dutenak, hau da, bazkariak eta afariak ematen dituztenak, baina sagardoa baserri askotan egiten da, nahiz eta sagardotegi bezala lan egiten ez duten.

Txotx garaia garrantzi berezia du, lehenengo sektorean jardura ekonomiko garrantzitsu bat delako, gaur egun eta historikoki. Gaur egungo txotx garaia bestelako sektore batzuetan ere enplegua eta aberastasun ekonomikoa sorrarazten du.

Sagardotegietan ez ezik, tabernetan eta kafetegietan nabarmena da txotx garaia eragina.

Eta sektore gehiagotan ere bai. Okinek ogi gehiago saltzen dute, harakinek haragi gehiago, gazta eta intxaurrek ere saltzen dira... Tabernetan eta kafetegietan lan handiagoa egiten dute, eta baita dendetan ere. Azken urteetan, ohitura aldatzen ari da. Gaueko sagardotegiko afaria izan beharrean bazkaria izaten da gehiago; fenomeno bat da. Orduan, arratsaldeetan denda batzuk irekitzen hasi dira, eta salmentak egi-

ten dituzte. Gero, taxiak ere lan handiagoa izaten dute.

Garai honetan enplegua sortzen da, nahiz eta hiruzpalau hilabeterako izan: sagardotegietan jendea behar dute janaria prestatzeko eta zerbitzatzeko, eta tabernetan normalean baino zerbitzari gehiago behar dituzte. Zenbait sektorek edo dendak urtean egiten duten lan handiena hilabete horietan egiten dute.

Txotx sasoiaren Hernanin jende asko ibiliko da, bisitari ugari etorriko da. Hori nola kudeatzen duzue?

Duela urte batzuk txotx batzordea sortu genuen. Urtero, hainbat eragile biltzen gara batzorde horretara: udaleko ordezkariak, eta sagardogileen, tabernarien eta kaxkoko edo hiriguneko auzo elkartearen ordezkari batzuk. Guztien artean antolatzen dugu txotx garaia. Udaleko ordezkariak dira alkateta, udaltzainburua eta turismo teknikaria. Guztira, hamabi bat lagun elkar-tzen gara, eta etorriko den jende uholde horren eragina neurtzen dugu.

Txotx garaian udaltzaingoa indartu egiten dugu. Asteburuetan udaltzain gehiago aritzen dira lanean, eta kalean presentzia handiagoa dute; tabernak dauden kaleetan, eta baita trafikoa -autoak eta autobusak- antolatzeko ere. Kalean komun publiko gehiago jartzen ditugu, tabernen inguruan gehienbat, eta garbiketa zerbitzu berezi bat jartzen dugu. Batetik, udalak daukan kale garbiketako zerbitzua asteburuetan indartu egiten da, eta, bestetik, tabernariak martxoko larunbat gauetan hondakin bilketa berezi bat egiten dute.

Txotx batzordeak neurri horiek lan-tzen ditu, eta urtez urte aztertu beha-

rreko bestelako kontu batzuk ere bai. Hitzarmen bat sinatzen dugu Hernaniko Udalaren, tabernarien eta sagardogileen artean.

Hernaniko Udalak urtero hainbat aholku ematen ditu txotx garaia begira, errespetua eta zentzuz jokatzea azpimarratuz.

Aurten, eraso sexisten arazoa arreta handiz aztertu dugu. Azken hilabeteetan sarritan entzuten den kontu bat da, eta gure herrian ere kasu batzuk izan dira. Askotan eraso sexistak udako jaiekin lotzen ditugu, baina ez da horrela, eta txotx garaian ere horrelako

kasu batzuk gertatu izan dira.

«Hamabi sagardotegi daude Hernanin, baina sagardoa baserri askotan egiten da»

«Txotx garaia enplegua eta aberastasun ekonomikoa sorrarazten du»

Aurten, karpaina berezi bat prestatzen ari gara gai horren inguruan. Batetik, komunikazioarekin lan egingo da, eta gero protokolo bat landu da sagardogileekin eta tabernariekin, horrelako eraso

bat tabernaren batean edo sagardotegiren batean gertatzen denean zer egin zehazteko. Protokolo horretan neurri batzuk planteatzen dira.

Esaterako, taberna batean gertatzen bada, musika kendu eta argiak piztu, gertaera ikusarazteko. Horrekin batera, tabernariari eta sagardogileari formazio ikastaro labur bat eskainiko zaie, horrelako zerbitzu gertatzen denean zer egin behar den jakinarazteko. Eraso sexualen kontua arazo kezkarri bat da, eta aurten indar handiz aurre egin nahi diogu.



Hernaniko
Udala

Egin txotx eraso sexistarik gabeko
Hernaniren alde!

www.hernaniturismoa.com bisita gaitzazue!

Hernanin ondo zaintzen zaitugu, zaindu Hernani.